
Դու քո ճամփեն՝ գընա, քույրիկ,
Եվ թող լինի նա պայծառ:
Ինձ մի՛ ժըպտա, ինձ մի՛ սիրիր,
Ես ընկեր չեմ քեզ համար:

5 Ելած կյանքի ամեն ճամփից,
Կարոտներով անմեկին,
Ագահ, անվերջ ու անհանգիստ
Թափառում է իմ հոգին:

Մի ձեռք չըկա, մի գիրկ չըկա՝
10 Պահի նըրան իրեն մեջ,
Խենթ, խելագար գընում է նա
Չըգտումներովն իր անվերջ:

Եվ ո՛վ գիտի՝ դեռևս անմեղ
Քանի հոգի կըտանջի,
15 Եվ ո՛վ գիտի՝ ինչ մո՛լթ, ահե՛ղ
Անապատում կըհանգչի...

Դու քո ճամփեն՝ գընա, քույրիկ,
Եվ երբ լինենք մենք հեռու,
Աղոթք արա, որ մյուս անգամ
20 Չըհանգիպենք իրարու: